

SCHOLA MEDICA PARISIENSIS,

Hoc Anno M. DCC. LIV. Studia per Ferias intermissa, more solito post Festum Exaltationis S. Crucis, redintegrabit die Jovis decimo-nono mensis Septembris, Bibliothecam publicis usibus destinatam aperiendo.

Sed cùm felicissimo S. DELPHINÆ Partu, novus à radicibus pretiosissimo Gallicorum Liliorum Trunco progerminaverit Surculus, publicæ felicitatis Pignus; faustam S. BITURIGUM DUCIS Nativitatem publicis gratiarum actionibus, publicisque lætitiæ argumentis celebrare gestit Medicorum Parisiensium Ordo.

Statuit itaque Facultas Medica Parisiensis, ut die Sabbati decimo-quarto hujus mensis Septembris, horâ decimâ matutinâ, in Scholarum suarum Sacello, post solemne Sacrum, Hymnus Exaltationis *TE DEUM* cantaretur, atque ut induciæ Academiæ producerentur, post Festum S. Lucæ orthodoxorum Medicorum Patroni, usque ad diem Lunæ mensis Octobris vigesimum - primum, quo Professores ordinarias Lectiones resument. DATUM Parisiis, die secundo Septembris, anni 1754.